

علوم اقتصادیہ و اجتماعیہ

مجموعہ علمکار

ہر ایک پرچہ کوئی شراوانور

مؤسسی

اعلیٰ شریف و شراوانور، شراوانور

مشرقیات

نجات شرک و کفر : م - احمد شریف : آصف خان -
مباحث اخلاقیہ : جامع نوری - تحولات و کفر : جمیع
نوری - ۱۳۲۷ سنہ منی اسلمہ منیہ لاجہ منی : محمد یار بدہ

مدیر و صاحب امتیازی :

محمد یار بدہ

لشمنی : ۱۰ شراوانور

استاذ مول

امور ادارہ و تحریر : طین مطہری

۱۳۲۶

مباحث اخلاقیه

۱

علم اضمحلال و اضمحلال

قدیم یونانیان آریستوتل زمانندن بری علم اخلاقی بری حکمت
طبیعی و دیکری منطقدن و اوچنچیسینی اخلاقدن عبارت فرض ایتدکری
فلسفه‌نک اوچ قسمنک بریسی یعنی انسانلرک اخلاقدن، - اوصاف مغویه -
سندن، خصائص ذاتیه سندن - احتراصاتندن، طرز معیشتندن باحث اولان
قسمی اولق اوزره قبول ایتشلر ایدی . رومالیرده عین فکرده ایدیلر .
اخلاق کله سندن الحاله هذه استخراج اولتان معنا اول امرده علی-
العموم معلومات بشریه دن و بالخاصه علومک قسم نظریسندن باحث اولان
فلسفه‌نک بر شعبه سیدر، بومعنایه کوره علم اخلاق؛ علوم ریاضیه، حکمیه،
علم حیات، علم الروح، منطق و سائر قواعد نظریه و عمومیه بی تدقیق
ایدن علوم کبی بر علمدر و بناءً علیه او علملرک کافه سی کبی وقایع و یا
حادثات خاصه و معینه بی تدقیق ایتمز، بلکه تعبیرات و قواعد مجرد و عمومیه
نامی تحتند هر حادثه خصوصیه بی تطبیق ایدیله بیله جک اصلی و عمومی
نظریه لر تحری و تأسیس ایدر؛ و بویله واصل اولق ایچون ترکیب
و یا تحلیل طریقله بر طاقم قواعد و اصول تحری، بونلری بر بریله مزج،
ترکیب، توحید، تقریق صورتیه استتاجانده بولنور

علم اخلاقك دائره شمولی بشرک اوصاف مغویه و خصائص ذاتیه سیله احتراصاته و طرز معیشتنه متعلق اولسنه نظراً واسع بر مقیاسده اخذ و تلقی ایدیلنجه مباحث اخلاقیه بر خیلی علوم سائرّه حاضره ایلده قاریشور. مثلاً بشرک خصائص ذاتیه و اوصاف مغویه سی تدقیقاتی علم الروح ایله، احتراصاتنک تدقیقاتی علم حقوق ایله، طرز معیشتی علم اقتصاد ایله اشتراك ایدر و بوضوورتله علم اخلاق غایت واسع بر دائره تدقیقاتی احاطه ایده بیلور، ویا بونوع تدقیقاتی علوم سائریه ترك ایدرك معین بر دائرهده محصور قاله بیلور.

دیگر طرفدن علم اخلاق دین ایلده صیقی صیقی به مناسبتده در. فی الحقیقه بوتون دیانتلرده قواعد و افعال اخلاقیه موضوع بحث اولور. ادبیاتكده بر شعبه اخلاقیه سی وارد. بونلرده یا ادبیاتك فكر اوزرنده کی قوه تسخیریه سندن بالاستفاده طوغریدن طوغری به اخلاقدن بحث اولنور و یا خود قواعد اخلاقیه دن طوغریدن طوغری به بحث ایدله مکدر غماً بر غایه اخلاقیه استحصالنه، اخلاق تعلیمنه، فکر اخلاقینک تلقیننه حصر مقصد اولنور. شوالده اخلاق ایستبر بر علم شکننده تصور اولنسون، ایستردیانت اخلاقیه ویا ادبیات اخلاقیه شکننده تصور ایدلسون بر نوع تعلیم ویا تربیه ویا تمییه فکریه دن عبارتدر. چونکه بونلرك هراوچی ده اساساً بر غایه معینه به ایصال و بشری بولندیخی محیطه اك نافع بر صورتده توفیق مقصدیله طبیعت بشریه یی آز چوق درین واساسلی بر صورتده تعدیل ایدن و فکر و دماغ اوزرنده اجرا ایدیلن عنونوع تأثیراتدن عبارتدر. دیانت، ادبیات، علم و فلسفه واسطه سیله اکتساب اولنان، تعلیم ایدیلن قواعد اخلاقیه نك غایه سی ده بودر.

فقط اخلاق؛ تعلیم اولنه بیلمك؛ ادبیاته ویا دیانته حلول و دخول ایده بیلمك ایچون اول امرده بالذات موجود اولمق اقتضا ایدر. بناءً علیه اخلاق وضع و ایجاد ایدلمش دكل، بلکه اساساً بولنه رق تمیم واکمال ایدلمش

اولمی ، بر اساس طبیعی یی محتوی بولنسی لزومی بدیهیدر . وفي الحقیقه اخلاق ، بوتون حادثات اجتماعی کبی ، حیات بشریه نك بر ایجاب اصلی و ضروری شکلنده اوله رق حیوانلرده سوق طبیعی به مشابه و بلا اختیار اجرا اولنان انسیاقاتنك و اوصاف و خصائصنك تجلیات مشترکه سی طرزنده تولد و تگون ایتمشدر . بویاضاحاته نظراً اخلاق دیمك حیات اضهریه دیمكدرکه محیطه و زمانه کوره حالت ابتدائی و خشینه دن حالت مشوشه و منظمه به تقلب و تحول ایتمش ، تعیر مخصوصی وجهله تکامله محکوم اولمش عنصر واساسلردن ترکب ایدر .

بوعناصرك بر قسمی صرف میلانات و احتساستدن عبارتدر . و طبیعت بشریه نك طبیعت نفسانیه و حساسه سنه تعلق ایدر ، دیگر قسملری ایسه اعتقادات و تصوراتدن عبارتدرکه اقلیم فکری به منسوبدر . بونلرک هر ایکی قسمی ده حس و یا وجدان اخلاقی دنیلن برحالی تشکیل ایدرلرکه هیچ بر علم و یا تمیه اکتسابنه محتاج اولمادن و آنلردن مقدم بر زمانده انسانلرده موجود بولنور . و علی العموم حسیات ؛ تربیه و نمای فکریدن اول حیات فکری به نصل بر رول اوینار ، ابتدائی انسانلرک نصل رهبر فکریسی اولورسه حس و یا وجدان اخلاقی ده مبادی بشریتده علم اخلاقدن اول و آنک خارچنده بشریتك حیات اخلاقیه سنی تنظیم و تشکیله کفایت ایتمشدر .

شوا یضاحاته نظراً اخلاق بعضاً بر طاقم نظریاتك بر هیئت مجموعه سی (و فلسفه اخلاقیه و علم اخلاق) ، بعضاً نصایح و قواعد تربیه (اخلاق دینی و یا ادبی) بعضاً ده افکار ، حسیات و میلانات (اخلاق طبیعی و یا بشریه ، خلق - خانك و لامك ضمیله -) شکلنده تظاهری ایدر .

مع مافیله اخلاقك بواوچ شکلی ده شکل واحده افراغ اولنه بیلور . فی الحقیقه بواوچنده ده عام اولان اساسلی برشی وارددرکه اوده بونلرک هر اوچی ده بر طاقم افکار و تصورات ، بالخاصه تصورات اخلاقیه دن عبارت اولمسیدر .

واقعا مبادیدہ احتسابات و میلانات تحتندہ استتار ایدر، و بلا اختیار و یا هیچ اولماز سہ بلا تأمل اجرا ایدیلوز. بودرجه سنده بشر حرکات و افعال اخلاقیہ بی افعال سائرہ حیاتیہ سی کبی ضروری و عاداتا جبری بر صورتدہ اجرا ایدر. بومر تبہ دن صکرہ افعال اخلاقیہ دیانت و یا ادبیات احکام و نصایحی شکلندہ آزجوق اختیاری و تصحیحی بر صورتدہ جریان ایدر، فقط بورادہ دہ حرکت اخلاقیہ بی اختیار و اجرایہ سائق اولان حقیقی سبب و علت بونلری بر قناعت فکریہ محصولی اولہرق دکل، بلکہ بر امر و تنبیہ دینی و یا ادبی شکلندہ، مقدس و یا بویوک عدایتیکی ذواتک بر فکری، بر اثر تلقینی اولہرق قبول و اجرا ایدر. اوچنجی درجه سنده ایسہ حس اخلاقی مرتبہ تکملہ واصل اولمشدر، بودرجه دہ حرکات اخلاقیہ ملاحظہ و تفکر نتیجہ سی و برطاقم قواعد و نظریات محصولی اولہرق اختیار کامل ایله و آزجوق بر تعقل نتیجہ سی اولہرق اجرا اولنور. بناءً علیہ بو نقطہ نظر دن تدقیق ایدیلنجه بو اوچ شکل؛ حس اخلاقی نک اوچ صفحہ تکاملنی ارأه و بر برینی تعقیب ایدن اوچ مرتبہ دن بشقہ برشی دکدر.

بو اوچ صفحہ سنده دہ اخلاق فکر بشریدہ اولاً قراقلق بر صورتدہ ایکنجی و اوچنجی درجه دہ کتدکجه پارلایان بروضو حله، ایجابات ضروریہ نک طبیعت و ماهیت اشیانک تدقیق و تحریری شکلندہ اولہرق تجلی ایدر. بعض اخلاقیون بوصفحات ثلثہ نک خارجندہ بر دردنجی صفحہ نک وجودینہ، یعنی بنفسہ و مستقل براخلاق، براخلاق ابدی و قطعینک تدقیق و تحریری لزومنه قانع اولیورلرکہ بومر تبہ سنده اخلاق، حقایق ریاضیہ شکلندہ تجلی ایدہ جک، قواعد ثابتہ و قطعیه یہ استناد ایلہ جکدر. اخلاقک بونوع تحریاتنک درجه و ماهیت حقیقیہ سی آتیدہ کی مقالاندہ شرح و تفصیل ایدہ جکزر.

اضمار نظری و عملی

حادثات اخلاقیه بر صورت مجرده ده و صرف دیگر افعال و حرکات اجتماعیه ایله اولان مناسبتلری نقطه نظرندن تدقیق اولنه جق اولورسه حکمت اجتماعیه نك موضوع بحث ایتدیکی وقوعات اجتماعیه کی بر موضوع علمی شکلنده منظور اولورلر . بو ، اخلاق قسم نظریسیدر ، جهت لازمه سیدر . فقط حادثات اخلاقیه وجدانده فرضا حق ویا وظیفه ، عذاب وجدانی ، حس تقدیر ، تحسین ویا تقیح شکلورنده تظاهر و تجلی ایتدجکه بر شکل متعدی آلورلر ، بونلر اولوقت دائره نظریه دن چیه رق دائره عملیه ده داخل ، حدود فکریه و تصویریه دن فسیحه فعالیت و حرکتیه واصل اولورلر . حادثات اخلاقیه نك بومرتبه سی باطنده ، دماغیه تفکرده قالماش ، بلکه افراد سائر اجتماعیه ایله مناسباته متعلق بر شکل آلمش ، خارجه بر فعل و حرکت شکلنده تجلی ایتشدرد .

بو ایضاحاته نظراً اخلاق نظری حکمت اجتماعیه نك مباحث فیه سنك بر قسمی تشکیل ایدر . فی الحقیقه علم حکمت اجتماعیه حادثات اخلاقیه نك بر نوع حادثات اجتماعیه دن عبارت اولدیغی و برینه تطبیق اولنه بیله جك منہاجك دیگرینه ده تشمیل ایدیله بیله جکی اساسی وضع ایتشدرد . بو اساسه نظراً اخلاق عملی دخی حکمت اجتماعیه نك تطبیقات عملیه سنك بر بنده سیدر . علوم اجتماعیه دن بو باده بشقه بر مثال آرانمق لازمکله اخلاقیاتك جهت عملیه ده متعلق اولان مسائلی سیاسیاته تشبیه ایده بیلورز : علم حکمت اجتماعیه وقوعات و حادثات اجتماعیه یی تدقیق ایله بونلر آره سننده کی روابط و مناسبات ضروریه یی ، بونلرک تابع اولدقلری قانونلری کشف و ایضاح ایدر ؛ سیاسیات ایسه - سیاسیات نظریه دکل ، مناسبات دولیه یی اداره ایدن مناسبات سیاسیه عملیه - بور وابطك ، بوقانونلرک ساحه عملیه ده بر تطبیقندن

عبارتدر . اخلاق عملی دخی اخلاق نظریه‌نگ کشف و اظهار ابتدیی
قاعدہ لڑک فرد ویا جمعیت طرفندن ساحه عملیہ ده بر تطبیقندن بشقه
برشی دکلدرد .

فقط اخلاق عملیہ حدودینی ومله اولاده تفریق و تحدید ایتک
غیر ممکندر : اویله بر طاقم حادثات حیاتیہ و اخلاقیہ مشهود اولور که بونلر
اختیار و اراده مزک ، تفکراتمزک خارجنده بر طاقم قانونلره تبعاً تحدث
ایدرلر . صرف وجدانک اعماق صمیمیتدن نبعان ایدن بونوع حادثه لری
اخلاق نظریه‌نگ بر تطبیق ، جهت عملیہ سی دیه تصور ایتک پک کوچدر .
سائر علوم و فنونه استاد ایدن تطبیقاده جهت نظریه‌یی جهت عملیہ دن
تفریق قولایدرد . مثلاً بر ما کنه اعمال ایده جک کیمسه نظریات فیه نک ،
یا خود تصورات ذهنیه‌سک حاصل ابتدیی نتیجی تطبیق ایتکدن بشقه
برشی یا یماز . علم حیات ویا علم تشریح علمی یا لکزر قوانین حیاتیہ
و تشریحیه‌یی تحری و کشف ایتکله اوغراشور ، تطبیقات تشریحیه‌یی
بشقه لرینه ، فعلاً عملیات تشریحیه ایلله اوغراشانلره براقور . فقط علم
اخلاقده کیفیت بو مرکزده دکلدرد . بوراده تطبیقات ، عملیاتک نظریاته
جهت مربوطیتی غیر وارد کبی کوریلور . وفی الحقیقه مبادیده افعال
اخلاقیه ده کی اساسلری وجدان کندی کندی لکندن احضار ایدر ظن
اولنور . بناءً علیه فعلاً ایضا ایتدی کمز و سواثق اخلاقیه دیه بیلله جکمز افعالات
اعتیادات و عملیاتمز دن عبارت بر شکله اوله رق (یعنی ملاحظه و تفکر دن
متحصل بر حس قناعتکاری ایلله) افعال و سواثمز اوزرینه اجرای تأثیر
ایدر بر شکل متعدیده اوله رق تعبیر آخرله وجدانمزده مجبوری الاجرا
بر قانون ، بو قانونه قارشی بر حس حرمت ، بشقه لریه حقوقه رعایت
شکلنده -) تجلی ایتدی کنی حس و تقدیر ایده بیلیمک ایچون مدید تجارب
فکریه یه یعنی ، اعمال فکر قابلیتک تحصنه احتیاج واردرد . بز بو تجارب
بو تکرر ایدن وقوعات اخلاقیه نک ماهیتی اخلاق ، اعتیادات ، قوانین

شکلنده دیگر وقوعات اجتماعیه کبی علماً تدقیق ایدرز . فی الحقیقه بشریت مبادی تشکیلنده افراد آره‌سنده تکرر واعتماد ایله یرلشمش اولمغله برابر صرف بر سائق وجدانی تأثیری ایله بر طاقم قواعد اخلاقیه ره رعایت ایدور ایدی . حدیث السن جو جقلرده ده حس اخلاقینک سائق بوندن بشقه برشی دکلدر . جمعیتک تکاملی وقوای فکریه‌نک نماسی نسبتنده بو افعال تشوش وتکثر ایدر . اولوقت بونلری تدقیق ایله برطاقم قواعد اخلاقیه استخراج واستنتاج ایدرز . وبوقواعدی افراد آره‌سنده تطبیق ایتدیرمک ایسترز . شمدی بر وجدانک سوقیله ایشله‌شمش افعال اخلاقیه ، برده اعتیادات و اخلاقیات موجوده‌بی اعمال فکر تأثیری تحتنده نظری اوله‌رق تدقیق ایله استخراج اولنان بر طاقم قوانین وقواعدی تطبیق ایتک واردر بری نظریات اخلاقیه به مقدم ، دیکری مؤخر اولان بونلرک هر ایکی قسمی ده اخلاق جهت عملیه وتطبیقیه‌سی تشکیل ایدر بونلردن برنجیسی علی الاطلاق غردک ویا بر هیئت مجتمعه‌نک قواعد ضبط حرکتدن ، مکلف اولدقلری حق ووظیفه‌لری مجموعندن ، خلاصه انسانلرک یکدیگری ایله اولان مناسبات اخلاقیه‌سندن عبارتدر . ایکنجیسی ایسه صورت عمومیه‌ده نظریات اخلاقیه به مقابل و آنلردن مستدل اولان اخلاق عملیه‌در . بوایکنجی قسم تطبیقاتی حکمت طبعیه به تشبیه ایده‌بی‌لورز . حکمت طبعیه‌ده بر قسم نظری واردر که صرف نظریات فیه‌بی فرضا جاذبه وحرارت قانونلری تدقیق ایدر برده بر قسم عملی وتطبیقیسی واردر که نظریاتک کشف ایتدیکی جاذبه وحرارت قانونلری مختلف خصوصاً ته تطبیق واستفاده بشریه به خادم برشکله افرار ایدر . بونوع تطبیقات حادثات اخلاقیه به ده قابل تطبیقدر ، وتطبیق اولنمیدر حالبوکه بونک ایچونده برنجی قسم اخلاق عملی ، افعالی ، یعنی فردک ویا بر جمعیتک اخلاق واعتیاداتی بر صورت نظریه‌ده علماً تدقیق ایدمک اقتضا ایدر . بوتدقیقات علمیه برطاقم قواعد وقوانین کشفه منجر اوله‌جق راده‌یه واصل اولدینی کبی علم وتعلیم وتلقین طریقله اخلاق واعتیادات

حاضره یعنی اخلاق عملی جمعیت اوزرنده تعدیلات مقتضیه اجرا ایدیه
 ییلور . وایسته اولوقت اصل اخلاق نظری یعنی اخلاق علمی و اخلاق
 عملی تفریق اولنور ، و بو ایکی شکل اخلاقی آره سنده کی مناسبات
 تأسس و تشکل ایدر .

شو حالده علم اخلاق ده ، سائر علوم و فنون کبی ، بر شئک حقیقتی
 آ کلامقندن بشقه بر موضوعی حائر دکلدرد . فکر بشرینک بر قسم حقیقت
 موجوده یه ، بر مشهوده تطبیقندن عبارتدر . علم بوصورتله حادثاتی اداره ایدن
 قانونلر اظهارینه حصر مساعی ایدر ، و کشف ایله اشتغال ایدر . علوم
 ریاضیه نك ، علم هیئتک ، علم حکمت طبیعی نك ، علم الحیاتک ، علم لسانک
 و سائر علومک موضوعی بوندن بشقه بر شی دکلدرد . اخلاق نظری
 بالخاصه دیگر علومدن اساساً بشقه بر مسئله یی حل و بشقه بر صنعتله انصاف
 ایتمکله تمایز ایدر . اخلاق نظری نك اساساً ماهیتی امر و تقشیدرد . بونک
 وظیفه سی ، موضوعی یالکیز حقیقت و ماهیتی آ کلامق دکل ، فقط توصیه
 و امر ایتمکدر . و یا خود آ کلامق ایله امر ایتمک آنک ایچون عین شی
 مثابه سنده در . بونک غایه سی افعال و حرکاتی اداره ایدن قواعدی ، ممکن
 ایسه ، بر قاعده یکانه یه افراغ ایتمکدر . بوجهتله بو نوع تدقیقات او یله
 بر نوع نظریه تشکیل ایدر که فرضا انشآت بحریه و یامیه جاریه دن
 استفاده نظریه لری کبی غایه سی عملی و مفید بر ثمره اقتطافه مصرفدر ،
 یوقسه هر هانکی بر شئک صرف حقیقتی طایمق مقصدیله و فکر استفاده دن
 مجرد بر صورتله تدقیق ایدن و تدقیقات مجردة علمیه دن عبارت اولان
 نظریات صرفه قیلندن دکلدرد . اخلاق نظری بومعاده کی نظریاتی موضوع
 بحث ایتمز ، حتی بونی ترویجندن بیله تحاشی ایدر .

بو ایضا حاندن آ کلاشیلیور که اخلاقده نظریات ایله عملیات ، تطبیقات
 بر لرندن تفریق ایدلزلر ، علوم ریاضیه ده تدقیقات علمیه بر منفعتی هدف
 اصلی اتخاذ ایتمز ، بورالری تطبیقات ریاضیه بحثلری ، ریاضیاتک جهت

عملیه سی آرار حالبوکه علم اخلاقده هم نظریات هم عملیاتک هدفی حرکتی تنظیم ایتکدر. بالکز اخلاق عملی وظائف خصوصیه نک تفصیلات معینه سه قدر تنزل ایدر، فقط اخلاق نظری فرضا خبروعدلی الک عمومی وعالی بر لسانله تقریر ایدر. بو، اخلاق عملی کبی معین وخصوصی دکل، مجرد وعمویدر

بوندن بشقه اخلاق عملی موضوعلری متجانسدر، اخلاق نظری موضوعلری ایسه اویله دکلدر. برنجیلری منحصرأ مسائل معینه اخلاقیه نی تدقیق ایدرک بومسائلک کیمه عددی هر نه قدر غیر محدود، ایسه ده کیفیت نقطه نظرندن هپسی ده عین بردارده محصوردر. اخلاق نظری موضوعلرنده ایسه بالعکس اکثریا منشألری متخالف واصل عناصر اخلاقیه ایله آزچوق اختلاط ایتش، برطاقم عناصره تصادف اولنور. بو عناصر بعضاً اعتقادات دنییه ویا انسانک صورت نشانی وکائناده کی موقعی حقنده کی برطاقم معتقدات مافوق الطبیعه در؛ بعضاً میلانات واستعدادات طبیعیه نی وبونلرک شدتلر نی تحری ایدن تدقیقات علم الروحیه در؛ بعضاً ده اشخاص وایشانک مناسباتی اداره ایدن تحلیلات ونظریات حقوقیه در. بو عناصر مختلفه علم اخلاق نظریاتنه صرف فلسفی وحشی استفاده دن مجرد ایش کبی بر شکل ویرر. فقط بو، بر شکل ظاهریدر. حقیقت حائده بومطالبات وتدقیقات نظریه مرتبط اولدقلری قواعد خط حرکتک اصلی تشکیل ایتزلر. و بوراده اساساً بونلردن استنتاج ایدلش مناسبات موجود دکلدر، بلکه بوتدقیقات ایله اخلاق عملی آره سنده پک مشوش وقراللق اویله برطاقم مناسبات واردر که بونلر انجیق علم حکمت اجتماعیه نک معاونتیه حل وتنویر اولنه بیلور.

مثلا آلمانیا فلسفه سی وفکر فلسفیه سی آلمانیانک حال حاضر اخلاقیاتی وموقعی احضار ایتدی دیورز. فقط بو فلسفه طوغریدن طوغری به آلمان اخلاقک خط حرکت قواعد عملیه سی دکلدر. حتی قواعد عملیه اخلاقیه سی

یو فلسفه آره سنده طوغریدن طوغری به بر مناسبته ده یوقدر . فقط آلمانک خصوصیات و مناسبات سائر اجتماعیه سی ، محیطی ، شرائط معشریه سی آلمان فلسفه سندن ، آلمان دهاتنک فکرندن شمدی کوردیکمنر غیور ، مثبت ، مترقی بر قومی تولید ایتدی اوفلسفه ایله شرائط متحصله آره سنده کی روابط و مناسباتی ایضاح انجق حکمت اجتماعیه تدقیقاتی سایه سنده ممکن و میسر اولور .

بوتون بومطالعات نهایت اوپله بر نتیجه واصل اولیور که اصل معنای شاملیله بر اخلاق نظری موجود دکلدر . چونکه اخلاق نظرینک غایه سی ده بر هدف اخلاقی استحصالنه ، مناسبات فردیه اجتماعیه نی تنظیمه مصر و قدر . اخلاق نظری قواعد اخلاقیه نی ، وظائفی ، حقوقی و عمومیتله وجدان اخلاقینک مفهومی بر حقیقت موجوده ، دائره تدقیقات علمیه سنه داخل اولمش بر عنصر اولق اوزره اخذ و بونی سائر وقوعات اجتماعیه کی منتظم بر اصول تحتنده تدقیق ایدر .

قاضی کوی ۱۱ کانون اول سنه ۳۲۶

برایع نوری

